



## Universitätsbibliothek Paderborn

### Praxis Episcopalis

In Qva Episcoporum Non Tantvm, Eorumqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolvtiones ... quàm brevissimè  
continentur

**Zerola, Tommaso**

**Coloniae Agrippinae, 1680**

Professio.

**urn:nbn:de:hbz:466:1-10447**

illud beneficium, quo privatus fuit, conferre, ne dolus videatur sibi patrocinari, & negligentia prodesse, *c. commissa, de elect. lib. 6. Clem. ne in agro. §. ceterum de stat. mona. Rebuff. de non prom. in an. num. 80.* hoc fallit in Papa, quia id potest, non autem Ordinarius, ratio est, quia ille est supra jus positivum, hic autem non.

## PRIVILEGIUM

**P**rimò, Privilegia concessa alicui loco, si locus ille uniatur alteri, etiam privilegia uniuntur, *Inn. in c. novit, n. 1. de sede vac.*

Secundò, privilegia antiqua non indigent aliqua verificatione, idem in *c. Abbate, de ver. sign. Imola. in Clem. litteris, col. 3. prope fin. de preb. & si excedant centum annos, probant per verba narrativa, & enunciativa, Caput. ag. decis. 378. p. 2.*

Tertiò, Privilegiis non possunt renunciare presentes in præjudicium successorum, nec deperditur per non usum decem annorum, *Fel. in c. cum accessissent, num. 37. de const. Caputaquen. decis. 379. nisi concedatur pro alia facultate, quia tunc spatium decem annorum deperditur per non usum, Balb. tract. de prescrip. 4. par. 5. princ. c. 4. num. 2.*

Quartò ea, quæ possunt quæri per privilegium, possunt per præscriptionem, & consuetudinem, *Pan. in c. accedentes, de prescrip. Fel. ibi, num. 6. Nava. in c. non dicatis, num. 44.*

Quintò, Privilegia Doctorum, ac *Prax. Episc. Pars 11.*

studentium in alma Urbe, vide *Bon. VIII. Bul. 2. Urban. VI. Bul. 1. Eugen. IV. Bul. 1. Jul. II. Bul. 12. Leo X. Bul. 2. Jul. III. Bul. 20. Pii IV. Bull. 112. Pii V. Bul. 59. Greg. XIII. Bul. 27. vide Azo. in sum. lib. 11. rub. 18 & 20. Codicis.*

Sextò, an pro probatione privilegii sufficiat copia, vel scriptura privata, an ipsius privilegii authenticum, vide in *c. cum persona, & ibi gl. in ver. tradere, & ver. in text. quod sint tales, de priv. lib. 6. & Gem. in c. ordinarii, §. quod si fortè, ver. & si dubitatur in factò, de off. ord. lib. 6.*

## PROFESSIO.

**P**rimò, quando jura loquuntur de ingressu, vel de professione alicujus religionis, de quo ingressu, & de qua professione debeant intelligi: videtur quòd de primo ingressu, id est, de induitione habitus, vel de professione tacita, quæ fit post annum probationis, cum habitu indistincto, prout *cap. beneficium, & ibi gl. in vers. conferendum, de reg. lib. 6. & in c. unico, & ibi gl. in sum. eod. tit. & Clem. de reg. fi. & ibi gl. in ver. deinceps, de regul. Extravag. Joan. 22. concert. & alia jura vulgata, quæ brevitate causa omittuntur, tamen oppositum est verius, quòd intelligentur de ingressu irrevocabili, qui fit irrevocabilis per professionem expressam, & de professione solenniter facta, probatur primò, quia quis non est propriè religiosus ante professionem expressam, *cap. religioso, §. quamvis, de sent. excom. lib. 6. nec perdit dominium, neque professio-**

R

fessio-

sessionem bonorum suorum, secundum omnes, nec transeunt illa ad monasterium usque ad professionem solemnem, *Auth. ingressi, de sacrosan. Eccles. quam gl.* & omnes intelligunt de ingressu irrevocabili, qui fit per possessionem solemniter amissam, & licet Bart. ibi hoc relinquat canonistis decidendum, tamen Jason ibi serio tenet quod dixi *colum: ult. nu: 28. ver: 3.* limita ubi hoc tenet expressè, & clarè, Abb. *in c. presentia, de probat.* & hoc facit per Sac. Conc. Trid. *sess: 25, c. 16. de reg. & pro Bul. Pii V. de resign: qua est 58.* Nav. *in c. non dicatis, n. 5. & 49. 12. q. 1.* Hinc sequitur, quod si quis post annum probationis, licet si professus tacite, moritur, ejus bona non venient ad monasterium, quia potest de illis disponere, nisi disponat, veniunt qui ab intestato, & Paul. Rom. *tract: de pens: c. 7. num. 5.* ait non vacare beneficium, nisi facta professione. Cov. *in c. 2. n. 9. de testam.*

Secundò, an ante professionem expressam, licet post professionem tacitam, quis relinquat habitum, & contrahat matrimonium, tenet matrimonium?

Respondetur, quod sic licet peccet, quia professio tacita æquipollet voto simplici, Cal. *conf. 26. de reg. Nav. in c. nullum, n. 44. 18. q. 2. & in cap. non dicatis n. 5. qu. 1.* Innoc. *in ca. porrebtum, n. 1. do regul. & Navar. de reg. conf. 27. ver: 1, 14. & 26, nu: 18, & 19.* & Innoc. loco c. dicit illam professionem dirimere matrimonium, & facere monachum, quæ fit in manibus superiorum de presenti, modo sola professio solennis dirimit, &

impedit matrimonium, Aug. *ver. professio, §. 2. Sot. 4. sent. distin. 28. quest: unica, art. 2.* Covar. *tract. de sponsal. 2. p. cap. 7, §. 4. nu. 7. & 8.* ubi habes sola professione solenni dirimi matrimonium non consummatum, ergo non tacita.

Verum his omnibus videtur obstare Sac. Cong. prout dixi *superius*, & Navar. *conf: 35, n. 5, de reg. ubi dicitur quod Sac. Conc. Trid. sess. 25. cap. 19.* etiam habet locum in professio tacito, respondetur, quod singulare est in hoc, propter præsumptionem, contemptum, & levitatem illius professi taciti, qui proprio conatu, & impulsu relinquit habitum, & ideo in odium, & penam dicitæ præsumptionis, & audaciæ voluit Sac. Conc. non audiri nisi cum habitu, & coram Ordinario, præterea quia videtur sibi ipsi facere jus, dimittendo habitum sponte incipiendo ab executione; secus verò in contractibus, & permanere indutus cum habitu: hæc volui dixisse breviter, quia quotidie accidit casus, & ita consului, tamen illi contrahenti matrimonium de facto obstat dimissio habitus sua sponte, sed si causa sit coram ordinario, & declaratur professionem non tenere, valet matrimonium, facit tex. *in c. nullus religiosus, & ibi Gem. not. 2, de ele. l. 6.* ubi ille qui vult eligi ad prælaturam regulariter, non sufficit quod sit professus tacite, sed expressè, id est, solemniter, & *ibidem ver. quæro, quando, declarat quando quis dicatur expresse professus, & dicit quod est quando promittit illa tria, quæ habentur in c. cum monasterium, in fine, de stat. mona. & quando*

do fit in manu Abbatis, vel recipientis de ejus mandato, per notata in *ca. porrectum, de reg. quod nota, & ibi gl. in ver. expresse*, facit aperitissime in omnibus dictis *supra c. quam ingredientibus, 19. q. 3. & ibi gl. in ver. convertendi, facit l. aut religiosus, ff. de procur. & ibi Accur.* ubi exponit, ut si monachus fiat sacerdos, & *Gem. in c. quamvis, ver. contra gl.* dicit procuratorem ingressum religiosè posse revocari, si non ingreditur irrevocabiliter.

Tertio, quisnam dicitur religiosus, & consequenter verè professus per Conc. Trid. nisi post annum probationis sine interruptione in monasterio exactum, & post emissa tria vota substantialia; *Nav. conf. 9.*

Quarto, si quis emisit tria vota essentialia, videlicet castitatis, paupertatis, & obedientiæ in congregatione, etiam à sede Apostolica approbata pro bono modo vivendi, nisi emisit in aliqua religione approbata non censetur professus, *c. odia, de reg. jur. l. 6. Nav. conf. 9, ca. 9, de his qua vi metusque causant.* ratio est, quia appellatione congregationis non venit religio, nec e contra, nisi sit aliqua congregatio, quæ ortum ducit à religione, prout congregatio Cassinensis, & alia quæ duodecim solent nominari.

Quinto, professio facta in manibus Prælati, sive cuiuspiam incorporare non valentis alicui religioni approbata, non facit quem religiosum. *Navar. conf. 6. n. 22. de reg.* hinc fit, quod si aliquando aliquis vellet emittere tria vota in manibus Episcopi, & professionè

solemnem in ejusdem manibus facere non ideo censetur religiosus, nec professio solemnis, nec votum solenne, sed tantummodo votum simplex; ratio est, quia Episcopus non incorporat religioni, *cap. odia, de reg. jur. lib. 6. & ca. unico, de vot. & vot. redempt. eod. lib.*

### PROTOCOLLUM.

**P**rotocollum amittens Notarius, potest puniri à iudice pœna arbitraria, quia de consuetudine tenetur ad ejus custodiam, *Fel. in cap. tabellio, ver. 2, quaritur, n. 2, de fid. instrument.*

### PROVISUS.

**P**rovisus de Episcopatu, Abbatia, vel hæres, an possit conferre, vel præsentare antequàm adipiscantur possessionem, vel adeant hæreditatem? Respondetur, quòd sic. *Reb. tit. de simon. & resign. n. 25, & infra,* tamen distingue, prout ibi, si provisus est per obitum, vel privationem, vel resignationem.

### RAPTUS.

**P**rimò, licèt raptus non possit fieri absque violentia, tamen si fiat muneribus, promissionibus factis puellæ, & invito patre de domo exeat, & ad ipsum veniat, vocatur raptus, & incurruntur pœnæ Sacri Conc. Trid. *sess. 24. cap. 6, de refor. matrimon.* quæ sunt excommunicatio ipso jure, tam rapiens, quàm dans consilium, auxilium, & favorem, & infamia: ratio est quia